

**P R A V I L N I K  
O POSTUPKU I USLOVIMA IZBORA AKADEMSKOG  
OSOBLJA**

Na osnovu člana 12. i člana 114. stav 6. Statuta Nezavisnog univerziteta Banjaluka (19/2012, od 26.01.2012. dana), Senat Nezavisnog univerziteta Banjaluka, na svojoj sjednici, održanoj dana 27.01.2012. godine, donosi

## **P R A V I L N I K O POSTUPKU I USLOVIMA IZBORA AKADEMSKOG OSOBLJA**

### **I OPŠTE ODREDBE**

#### **Član 1.**

Ovim Pravilnikom utvrđuju se postupak i uslovi izbora akademskog osoblja u odgovarajuće zvanje na Nezavisnom univerzitetu u Banjoj Luci ( u daljem tekstu : Univerzitet ).

#### **Član 2.**

Univerzitet vrši izbor u nastavnička i saradnička zvanja u skladu sa Zakonom o visokom obrazovanju, Statutom Univerziteta i ovim Pravilnikom.

#### **Član 3.**

Nastavnu i naučnu djelatnost na Univerzitetu obavljaju nastavnici i saradnici osposobljeni i opredijeljeni da izvršavaju viziju, misiju i ciljeve Univerziteta, koji poštuju i prihvataju :

- opšta opredjeljenja prema nediskriminaciji
- slobodu nastavnog i naučnog stvaralaštva
- pravo na slobodu kritičkog mišljenja i govora
- autonomiju djelatnosti i nepovredivost prostora Univerziteta
- pedagoške principe na kojima je zasnovan rad na Univerzitetu
- posebne metode nastavno – naučnog i edukativnog procesa koje se primjenjuju na Univerzitetu
- specifične načine provjere, procjene i ocjenjivanja znanja studenata koji se primjenjuju na Univerzitetu
- da njihov rad bude predmet objektivnog procjenjivanja i evaluacija
- prava i obaveze koje proizilaze iz Statuta, ovog Pravilnika i drugih opštih i posebnih akata Univerziteta
- sve nastavne i ostale vannastavne obaveze koje proizilaze iz ugovornog odnosa sa Univerzitetom
- integrativnost organizacionih jedinica Univerziteta
- kodeks nastavničke etike koji se primjenjuje na Univerzitetu
- odgovornost za kvalite i nivo znanja koji prenose studentima i stepen prolaznosti studenata.

### **II AKADEMSKA ZVANJA NA UNIVERZITETU**

#### **Član 4.**

Naučno – nastavna zvanja nastavnika na Univerzitetu su :

- docent

- vanredni profesor
- redovni profesor

#### **Član 5.**

Naučno – nastavna zvanja saradnika na Univerzitetu su :

- umjetnički saradnik
- asistent
- viši umjetnički saradnik
- viši asistent
- lektor

Izuzetno, u svojstvu saradnika na Univerzitetu može biti angažovan i demonstrator.

Za demonstratora može biti angažovan student koji postiže izvanredne rezultate u određenim naučnim oblastima ili predmetima koji se izučavaju na Univerzitetu, kao i lica koja su zaposlena u drugim institucijama, a stručnjaci su za određenu oblast.

Student demonstrator može biti angažovan da pod rukovodstvom nastavnika ili višeg saradnika obavlja određene zadatke iz nastavno – naučnog rada.

### **III USLOVI ZA STICANJE AKADEMSKIH ZVANJA NA UNIVERZITETU**

#### **Član 6.**

Minimalni uslovi za sticanje akademskih zvanja nastavnika i saradnika na Nezavisnom univerzitetu su uslovi propisani odgovarajućim odredbama Zakona o visokom obrazovanju i Statuta Univerziteta.

#### **Član 7.**

Ostali, bliži uslovi za izbor akademskog osoblja propisuju se ovim Pravilnikom.

#### **Član 8.**

Bliži uslovi za izbor akademskog osoblja tiču se kvantitativnog izražavanja naučne/umjetničke, nastavne i stručne djelatnosti kandidata i izražava se brojem bodova. Izuzetno od prethodnog stava, za nastavnika stranog jezika i nastavnika vještina ne vrši se bodovanje naučne/umjetničke djelatnosti.

#### **Član 9.**

Prilikom izbora u isto ili više zvanje uzimaju se u obzir samo objavljeni radovi, knjige i rezultati vlastitih istraživanja u primjeni, projekti, mentorstvo i javno predstavljeni oblici umjetničkog stvaralaštva u vremenu od posljednjeg izbora.

### **IV VREDNOVANJE NASTAVNO – NAUČNE/ UMJETNIČKE DJELATNOSTI**

#### **Član 10.**

Na Univerzitetu se u kontinuitetu vrednuje nastavno – naučna/ umjetnička, stručna i obrazovna djelatnost nastavnika i saradnika.

Vrednovanja naučne produktivnosti, obrazovnog rada, učešća nastavnika i saradnika u podizanju i afirmaciji naučnog podmlatka, priznanja za kvalitet i originalnost naučno – istraživačkog rada, vođenja i učešća u projektima, izražava se u bodovima, kako slijedi :

**A / Vrednovanje naučne djelatnosti**

<b>R. br.</b>	<b>N A Z I V</b>	<b>Bodovi – AUTOR</b>	<b>Bodovi – KOAUTOR</b>
1.	Naučna monografija međunarodnog značaja	25	15
2.	Naučna monografija nacionalnog značaja	20	10
3.	Leksikografska jedinica međunarodnog značaja	7	4
4.	Leksikografska jedinica nacionalnog značaja	5	3
5.	Naučni rad - članak indeksiran u cc	12	8
6.	Naučni rad – članak indeksiran u drugim indeksima	10	6
7.	Naučni rad – članak u časopisu sa recenzijom	8	4
8.	Naučni rad – članak u Zborniku radova sa recenzijom	8	4
9.	Uvodno predavanje po pozivu na međunarodnom skupu štampano u cjelini	10	-
10.	Uvodno predavanje po pozivu na nacionalnom skupu štampano u cjelini	8	-
11.	Naučni radovi na međunarodnom skupu	6	4
12.	Naučni radovi na nacionalnom skupu	4	2
13.	Naučna kritika i polemika u međunarodnom časopisu	5	-
14.	Naučna kritika i polemika u nacionalnom časopisu	4	-
15.	Prevod izvornog teksta ( studija, poglavlje, članak, naučna monografija	4	-
16.	Uređivanje naučne monografije ili zbornika međunarodnog značaja	8	-
17.	Uređivanje naučne monografije ili zbornika nacionalnog značaja	6	-
18.	Uređivanje i redakcija međunarodnog naučnog časopisa	4	-
19.	Uređivanje i redakcija nacionalnog naučnog časopisa	3	-
20.	Recenzije	4	-

**B / Vrednovanje umjetničke djelatnosti**

<b>R. br.</b>	<b>N A Z I V</b>	<b>BODOVI</b>
1.	Premijerno predstavljanje vrhunskog umjetničkog djela međunarodnog značaja	20
2.	Premijerno predstavljanje vrhunskog umjetničkog djela nacionalnog značaja	15
3.	Premijerno predstavljanje umjetničkog djela	10

	<b>na manifestacijama međunarodnog značaja</b>	
<b>4.</b>	<b>Premijerno predstavljanje umjetničkog djela na manifestacijama nacionalnog značaja</b>	<b>8</b>
<b>5.</b>	<b>Premijerno predstavljanje umjetničkog djela sa objavljenom kritikom</b>	<b>6</b>
<b>6.</b>	<b>Premijerno predstavljanje umjetničkog djela</b>	<b>4</b>
<b>7.</b>	<b>Ostalo predstavljanje umjetničkog djela</b>	<b>3</b>

### C / Vrednovanje obrazovne djelatnosti

<b>R. br.</b>	<b>N A Z I V</b>	<b>Bodovi – AUTOR</b>	<b>Bodovi – KOAUTOR</b>
<b>1.</b>	<b>Univerzitetski udžbenik koji se koristi u inostranstvu</b>	<b>20</b>	<b>12</b>
<b>2.</b>	<b>Univerzitetski udžbenik koji se koristi u zemlji</b>	<b>15</b>	<b>8</b>
<b>3.</b>	<b>Studijski priručnici ( Skripte, Praktikum)</b>	<b>10</b>	<b>6</b>
<b>4.</b>	<b>Udžbenik za preduniverzitetski nivo obrazovanja</b>	<b>6</b>	<b>4</b>
<b>5.</b>	<b>Gostujući nastavnik na inostranim univerzitetima</b>	<b>6</b>	<b>-</b>
<b>6.</b>	<b>Gostujući nastavnik na domaćim univerzitetima</b>	<b>4</b>	<b>-</b>
<b>7.</b>	<b>Mentorstvo kandidata III ciklusa studija</b>	<b>15</b>	<b>-</b>
<b>8.</b>	<b>Predsjednik komisije</b>	<b>8</b>	
<b>9.</b>	<b>Član komisije</b>	<b>6</b>	
<b>10.</b>	<b>Mentorstvo kandidata II ciklusa studija</b>	<b>10</b>	<b>-</b>
<b>11.</b>	<b>Predsjednik komisije</b>	<b>8</b>	<b>-</b>
<b>12.</b>	<b>Član komisije</b>	<b>6</b>	<b>-</b>
<b>13.</b>	<b>Mentorstvo za diplomski rad</b>	<b>5</b>	<b>-</b>
<b>14.</b>	<b>Član komisije</b>	<b>3</b>	<b>-</b>
<b>9.</b>	<b>Vođa studija III ili II ciklusa</b>	<b>12</b>	<b>-</b>
<b>10.</b>	<b>Predavač na III ili II ciklusu</b>	<b>10</b>	<b>-</b>
<b>11.</b>	<b>Naučni radovi na međunarodnom skupu</b>	<b>6</b>	<b>4</b>
<b>12.</b>	<b>Naučni radovi na nacionalnom skupu</b>	<b>4</b>	<b>2</b>
<b>13.</b>	<b>Naučna kritika i polemika u međunarodnom časopisu</b>	<b>5</b>	<b>-</b>
<b>14.</b>	<b>Naučna kritika i polemika u nacionalnom časopisu</b>	<b>4</b>	<b>-</b>
<b>15.</b>	<b>Prevod izvornog teksta ( studija, poglavlje, članak, naučna monografija</b>	<b>4</b>	<b>-</b>
<b>16.</b>	<b>Uređivanje naučne monografije ili zbornika međunarodnog značaja</b>	<b>8</b>	<b>-</b>
<b>17.</b>	<b>Uređivanje naučne monografije ili zbornika nacionalnog značaja</b>	<b>6</b>	<b>-</b>
<b>18.</b>	<b>Uređivanje i redakcija međunarodnog</b>	<b>4</b>	<b>-</b>

	naučnog časopisa		
19.	Uređivanje i redakcija nacionalnog naučnog časopisa	3	-

#### D / Vrednovanje stručnog rada

R. br.	N A Z I V	Bodovi – AUTOR	Bodovi – KOAUTOR
1.	Stručna knjiga izdata od međunarodnog izdavača	12	8
2.	Stručna knjiga izdata od domaćeg izdavača	10	6
3.	Urednik knjige, časopisa ili kontinuiranog umjetničkog programa ( dužeg od 6 mjeseci ) u inostranstvu	6	-
4.	Urednik knjige, časopisa ili kontinuiranog umjetničkog programa ( dužeg od 6 mjeseci ) u zemlji	4	-
5.	Realizovan projekat, patent, brand ili originalni metod	5	-
6.	Stručni rad u časopisu sa recenzijom međunarodnog značaja	4	3
7.	Stručni rad u časopisu sa recenzijom nacionalnog značaja	3	2
8.	Rad u zborniku radova sa međunarodnog stručnog skupa	3	2
9.	Rad u zborniku radova sa nacionalnog stručnog skupa	2	1

#### E/ Vrednovanje priznanja za kvalitet i originalnost naučno – istraživačkog rada

R. br.	N A Z I V	BODOVI
1.	Članstvo u međunarodnim naučnim tijelima i organizacijama	10
2.	Članstvo u domaćim naučnim tijelima i organizacijama	8
3.	Članstvo u redakcijama stranih časopisa	8
4.	Članstvo u redakcijama domaćih časopisa	5
5.	Članstvo u stranim akademijama nauka	40
6.	Članstvo u domaćoj akademiji nauka	
7.	Stručni rad u časopisu sa recenzijom nacionalnog značaja	25
8.	Plakete, diplome, certifikati i dr. čime se potvrđuje kvalitet	10

Tumačenje bodovanja iz prethodnog člana daje Senat Univerziteta.

#### **Član 12.**

Prilikom izbora u isto ili više znanje vrednuju se samo oni uslovi, kriteriji i elementi koji su nastali u vremenu nakon posljednjeg izbora.

### **V PERIOD NA KOJI SE BIRA AKADEMSKO OSOBLJE**

#### **Član 13.**

Period na koji se bira akademsko osoblje na univerziteu je :

- a) umjetnički saradnik – na period od četiri godine s mogućnošću jednog ponovnog izbora
- b) asistent – na period od četiri godine bez mogućnosti ponovnog izbora
- c) viši umjetnički saradnik – na neodređeno vrijeme
- d) viši asistent – na period od pet godina s mogućnošću još jednog ponovnog izbora
- e) lektor – na period od pet godina s mogućnošću još jednog ponovnog izbora
- f) docent – na period od pet godina s mogućnošću ponovnog izbora
- g) vanredni profesor – na period od šest godina s mogućnošću ponovnog izbora
- h) redovni profesor – na neodređeno vrijeme.

#### **Član 14.**

Izbor akademskog osoblja se vrši javnim konkursom, u skladu sa kriterijima utvrđenim zakonom, statutom univerziteta, ovim Pravilnikom i opšte prihvaćenim standardima u datoj struci.

### **VI IZBOR U AKADEMSKA ZVANJA**

#### **Član 15.**

Odluku o raspisivanju konkursa za izbor u akademska zvanja donosi Senat Univerziteta, na prijedlog naučno – nastavnog ili umjetničko - nastavnog vijeća organizacione jedinice univerziteta, a univerzitet raspisuje javni konkurs za izbor u akademska zvanja.

Javni konkurs se raspisuje za užu naučnu, odnosno umjetničku oblast, a javnost se obezbjeđuje objavljivanjem u nekom od sredstava javnog informisanja i web stranici univerziteta.

Senat univerziteta Odlukom utvrđuje matičnost svih predmeta iz svih studijskih programa u odnosu na uže naučne oblasti.

Multidisciplinarni predmeti će imati matičnost u više užih naučnih oblasti.

#### **Član 16.**

Konkurs sadrži opšte i posebne uslove koje kandidat treba da ispuni; užu naučnu, odnosno umjetničku oblast za koju se bira; akademsko zvanje u koje se bira; rok za dostavljanje prijave; dokumente koje kandidat treba dostaviti kao dokaz da ispunjava uslove konkursa; adresu na koju se dostavlja prijava sa dokazima o ispunjavanju uslova i naznaku da neblagovremene i nepotpune prijave neće biti razmatrane.

Konkurs je otvoren 15 dana od dana objavljivanja.

### **Član 17.**

Konkurs za izbor nastavnika i saradnika objavljuje se najkasnije šest mjeseci prije isteka vremena na koje je nastavnik, odnosno saradnik biran.

Odluku o izboru ili neizboru u zvanje Senat univerziteta dodonosi u roku od šest mjeseci od dana objavljivanja konkursa.

### **Član 18.**

Nakon isteka roka za prijavljivanje kandidata po objavljenom konkursu, nastavno – naučno vijeće organizacione jedinice univerziteta imenuje Komisiju za podnošenje izvještaja o prijavljenim kandidatima ( Komisija ).

Komisija iz prethodnog stava se sastoji od tri nastavnika iz naučnog polja, od kojih je najmanje jedan iz uže naučne oblasti za koju se nastavnik, odnosno saradnik bira i od kojih najmanje jedan mora biti u radnom odnosu na drugoj visokoškolskoj ustanovi.

Članovi Komisije moraju biti u istom ili višem zvanju od zvanja u koje se kandidat bira.

### **Član 19.**

U Odluci naučno – nastavnog vijeća navodi se za svakog predloženog člana Komisije : ime i prezime, zvanje, uža naučna/umjetnička oblast i matična visokoškolska ustanova.

Odlukom o imenovanju Komisije određuje se predsjednik komisije koji je odgovoran za koordinaciju rada Komisije i pripremu izvještaja Komisije, kao i rok u kome je Komisija dužna sačiniti izvještaj i isti dostaviti naučno – nastavnom vijeću organizacione jedinice univerziteta.

### **Član 20.**

Prilikom razmatranja konkursnih prijava, Komisija je dužna pridržavati se zakona, statuta univerziteta, ovog pravilnika i opšteprihvaćenih standarda u datoj struci.

Prilikom utvrđivanja prijedloga za izbor u akademska zvanja, Komisija je dužna poštovati minimalne utvrđene uslove za izbor ili ponovni izbor u odgovarajuće akademsko zvanje.

### **Član 21.**

Komisija je dužna dostaviti izvještaj o prijavljenim kandidatima u pisanoj i elektronskoj formi, na propisanom obrascu koji čini sastavni dio ovog pravilnika, u roku od 30 dana od dana dostavljanja konkursnog materijala članovima Komisije.

Izvještaj o prijavljenim kandidatima objavljuje se na web stranici univerziteta i odlaže u biblioteci univerziteta, uz istovremeno obavještenje na web starnici i oglasnoj tabli univerziteta da će biti dostupan javnosti 15 dana od dana objavljivanja, u kom roku je dozvoljeno stavljanje primjedbi na isti od strane naučno – nastavne javnosti, nastavnika, saradnika i studenata univerziteta.

### **Član 22.**

Izvještaj Komisije iz prethodnog člana sadrži :

- a) biografske podatke o svim prijavljenim kandidatima
- b) pregled i mišljenje o dosadašnjem naučnom/umjetničkom i stručnom radu kandidata
- c) podatke o objavljenim radovima
- d) mišljenje o ispunjenju drugih zakonom utvrđenih uslova

- e) druge elemente utvrđene ovim pravilnikom
- f) prijedlog za izbor kandidata u određeno zvanje

### **Član 23.**

U dijelu koji sadrži podatke o biografiji, diplomama i zvanjima, za sve kandidate se navode podaci o osnovnom studiju ( studiju I ciklusa ), postdiplomskom studiju ( studiju II ciklusa ), doktorskom studiju ( studiju III ciklusa ) i prethodnom izboru u nastavna i naučna zvanja.

### **Član 24.**

Za osnovne studije ( studije I ciklusa ) se navodi naziv ustanove na kojoj je kandidat studirao, mjesto i godinu završetka studija, te stečeno zvanje.

Za postdiplomske studije ( studije II ciklusa ) se navodi naziv ustanove, mjesto i godina završetka, uža naučna/ umjetnička oblast i naziv teme magistarskog – završnog rada.

Za doktorske studije ( studije III ciklusa ) se navodi naziv ustanove na kojoj je kandidat doktorirao, naziv, mjesto i godinu odbrane doktorske disertacije, te užu naučnu/umjetničku oblast.

Za sve nivoe se navode prethodni izbori u nastavna i naučna/umjetnička zvanja, sa nazivom institucije i godinom izbora.

### **Član 25.**

Za svakog prijavljenog kandidata daje se pregled aktivnosti i vrednovanja aktivnosti u skladu sa članom 10. ovog Pravilnika.

### **Član 26.**

Kandidat koji ranije nije izvodio nastavu na univerzitetu dužan je, pred komisijom koju formira nastavno – naučno vijeće organizacione jedinice univerziteta, održati predavanje iz predmeta uže naučne oblasti za koju je konkurisao.

Univerzitet je dužan javno oglasiti vrijeme održavanja predavanja.

### **Član 27.**

Na kraju Izvještaja daje se zaključno mišljenje koje predstavlja obrazloženje prijedloga Komisije.

Ukoliko jedan ili više kandidata ispunjava uslove konkursa za izbor u akademsko zvanje, Komisija predlaže onoliko kandidata koliko je konkursom traženo uz naznaku koji kandidat se u koje zvanje bira.

Saglasnost sa Izvještajem o izboru u akademsko zvanje, svi članovi Komisije potvrđuju svojim potpisom.

Član Komisije koji nije saglasan sa Izvještajem, dužan je dostaviti izdvojeno pismeno mišljenje, koje čini sastavni dio Izvještaja Komisije.

### **Član 28.**

Nakon isteka roka iz stava 2. prethodnog člana, naučno – nastavno vijeće razmatra izvještaj Komisije i pristigle primjedbe na isti, koje su dostavljene u pisanoj ili elektronskoj formi, utvrđuje prijedlog o izboru ili neizboru u odgovarajuće zvanje i dostavlja ga Senatu univerziteta u roku od 20 dana od isteka roka iz stava 2. prethodnog člana.

### **Član 29.**

Senat univerziteta donodi Odluku o izboru nastavnika i saradnika u akademska zvanja na prijedlog naučno – nastavnog vijeća organizacione jedinice, najkasnije u roku od šest mjeseci od dana objavljivanja konkursa.

#### **Član 30.**

Senat univerziteta može donijeti odluku :

1. Da se predloženi kandidat izabere u predloženo zvanje
2. Da se predloženi kandidat ne izabere u predloženo zvanje
3. Da se odloži donošenje konačne odluke radi prikupljanja ili dobijanja dodatnih pojašnjenja, odnosno da se prijedlog dopuni u roku koji ne može biti duži od 20 dana od dana razmatranja prijedloga.

#### **Član 31.**

Odluku o izboru kandidata u predloženo zvanje Senat donosi većinom glasova ukupnog broja članova Senata.

Kandidat može podnijeti zahtjev za preispitivanje Odluke Senata iz prethodnog člana, u roku od 15 dana od dana prijema obavještenja o Odluci Senata ili Odluke Senata.

Zahtjev se podnosi Senatu univerziteta.

Odluka Senata po zahtjevu za preispitivanje je konačna i protiv iste se može pokrenuti upravni spor.

#### **Član 32.**

Univerzitet je dužan u roku od 8 dana od dana donošenja Odluke o izboru obavijestiti sve učesnike konkursa o rezultatu konkursa.

Odluka o izboru u zvanje dostavlja se organizacionoj jedinici univerziteta i kandidatu.

### **VII POČASNO ZVANJE PROFESSOR EMERITUS**

#### **Član 33.**

Počasno zvanje professor emeritus, univerzitet može dodijeliti penzionisanom redovnom profesoru, na prijedlog organizacione jedinice univerziteta, u skladu sa zakonom o visokom obrazovanju.

#### **Član 34.**

Postupak dodjele zvanja professor emeritus pokreće naučno – nastavno vijeće organizacione jedinice univerziteta Prijedlogom Rektor univerziteta da Senatu univerziteta iznese obrazložen prijedlog naučno – nastavnog vijeća organizacione jedinice da se redovnom profesoru u penziji dodijeli počasno zvanje.

Uz Prijedlog rektoru naučno – nastavno vijeće dostavlja kompletnu životnu i radnu, naučnu/umjetničku, stručnu i nastavnu biografiju i bibliografiju redovnog profesora u penziji.

#### **Član 35.**

Obrazložen Prijedlog naučno – nastavnog vijeća organizacione jedinice Rektor univerziteta iznosi pred Senat univerziteta .

Senat univerziteta, većinom glasova ukupnog broja članova, donosi Odluku o dodjeli zvanja professor emeritus.

#### **Član 36.**

Prava, obaveze i odgovornosti professor emeritus ostvaruje na osnovu ugovora sa Univerzitetom u skladu sa opštim aktima univerziteta.

Senat univerziteta može svojom Odlukom preuzeti zvanje professor emeritus stečeno na drugom univerzitetu.

## VIII POSTUPAK ODUZIMANJA AKADEMSKIH ZVANJA

### Član 37.

Ako se nakon izbora u odgovarajuće znanje dokaže da su u toku postupka izbora dostavljeni lažni dokazi, ili radovi na osnovu kojih je izvršen izbor u akademsko zvanje predstavljaju plagijat, pokrenuće se postupak za oduzimanje zvanja.

Odluku o pokretanju postupka iz stava 1. ovog člana donosi senat univerziteta na prijedlog naučno – nastavnog vijeća organizacione jedinice ili po vlastitoj inicijativi, ili obrazloženoj i dokumentovanoj inicijativi trećeg lica.

### Član 38.

Postupak za oduzimanje zvanja provodi Komisija koju imenuje Senat univerziteta i koja ima predsjednika i četiri člana u istom ili višem zvanju od zvanja za koje je pokrenut postupak oduzimanja.

Najmanje tri člana komisije nisu u radnom odnosu na univerzitetu.

Komisija provodi postupak u skladu sa odgovarajućim odredbama ovog pravilnika koje se tiču izbora u akademska zvanja.

### Član 39.

Odluka Senata o oduzimanju akademskog zvanja je konačna.

## IX ZAVRŠNE ODREDBE

### Član 40.

Ovaj Pravilnik stupa na snagu danom donošenja.

Broj: 38-14/12  
Dana:27.01.2012



Predsjedavajući Senata  
Prof.dr Momčilo Sakan